

四庫全書

集部

欽定四庫全書

集部  
古樂府卷二

詳校官中書<sub>臣</sub>丁榮祚

助教<sub>臣</sub>常循覆勘

總校官知縣<sub>臣</sub>楊懋珩

校對官編修<sub>臣</sub>孫玉庭

謄錄監生<sub>臣</sub>王雲倬

欽定四庫全書

集部八

古樂府

總集類

提要

臣等謹案古樂府十卷元左克明編克明自

稱豫章人其始末未詳自序題至正丙戌則

順帝時也是書錄古樂府詞分為八類曰古

歌謠曰鼓吹曲曰橫吹曲曰相和曲曰清商

曲曰舞曲曰琴曲曰雜曲自序謂冠以古歌

謠詞者貴其發乎自然終以襍曲者著其漸  
流于新聲又謂風化日移繁音日滋懼乎此  
聲之不作也故不自量度推本三代而上下  
止陳隋截然獨以為宗雖獲罪世之君子無  
所逃焉云云當元之季楊維禎以工為樂府  
傾動一時其體務造恢奇無復舊格克明此  
論其為維禎而發乎考宋郭茂倩先有樂府  
詩集所錄止于唐末極為賅備克明此集似

乎牀上之牀然考李孝光刻樂府詩集序稱  
其書歲久將弗傳至元六年濟南彭叔儀始  
得本校刻是郭書刊板之時僅在克明成書  
前六年其板又在濟南距江西頗遠則編此  
集時當必未見郭書非相蹈襲且郭書務窮  
其流故所收頗濫如薛道衡昔昔鹽凡二十  
句唐趙嘏每句賦詩一首此殆如春官程試  
摘句命題本無關於樂府乃列之薛詩之後

未免不倫此集務溯其源故所重在于方題  
古詞而變體擬作則去取頗慎其用意亦迥  
不同也每類各有小序核其詞氣確為克明  
自作其題下夾註則多摭樂府詩集之文紫  
玉歌條下並明標樂府詩集字今考其臨高  
臺條下引劉履風雅翼之說尚與克明相去  
不遠至紫騮馬條下引馮惟訥詩紀之說則  
嘉靖中書元人何自見之其由明人重刻臆

為竄入明矣又馮舒校玉臺新詠于焦仲卿  
妻詩守節情不移句下註曰按活本楊本此  
句下有賤妻留空房相見常日稀二句檢郭  
左二樂府並無之今考此本乃已有此二句  
知正文亦為重刻所改不止私增其解題矣  
然元刻今未之見無由互校刊除姑仍明刻  
錄之而附訂其謬如右乾隆四十六年正月  
恭校上

總纂官

臣

紀昀

臣

陸錫熊

臣

孫士毅

總校官

臣

陸費墀



# 古樂府原序

漢武帝立樂府官采詩以四方之聲合八音之調用之  
甘泉園丘此樂府之名所由始也歷世相承古樂廢缺  
雖修舉不常而日就泯沒博洽推究師授莫明於是凡  
其諸樂舞之有曲與夫歌辭可以被之管絃者通其前  
後俱謂之樂府上追三代下逮六朝作者迭興倣效繼  
出雖世降不同而時變可考紛紛沿襲古意略存或因  
意命題或學古敘事尚能原閨門衽席之遺而達於朝

廷宗廟之上方三百篇之詩為近而下視後世詞章留  
連光景者有間矣克明竊伏山林有志茲事見聞淺鮮  
終不克成數年以來勉強就緒採摭前人之餘意探求  
作者之異同按名分類刪繁舉要唐人祖述尚多非敢  
棄置蓋世傳者衆弗賴於斯是編也謂之古樂府故獨  
詳於古焉記曰凡樂樂其所自生愚之管見亦欲世之  
作者泝流窮原而不失其本旨云耳其為卷也凡十而  
其為類也八冠以古歌謠辭者貴其發乎自然也終以

雜曲者著其漸流於新聲也嗚呼樂府之流傳也尚矣  
風化日移繁音日滋愚懼乎此聲之不作也故不自量  
度輒為敘次推本三代而上下止陳隋截然獨以為宗  
雖獲罪世之君子無所逃焉至正丙戌良月豫章後學  
左克明序



欽定四庫全書

古樂府卷一

元 左克明 撰

古歌謠辭

上古帝王之世德化下洽民樂無事故擊壤之  
老人康衢之童子與夫卿雲之瑞南風之時民  
莫不因之而成歌其後風衰雅缺而妖淫靡曼  
之聲起至周衰有秦青復有韓娥衛之王豹齊

之綿駒皆稱善歌世傳其能然並徒歌也爾雅  
曰徒歌謂之謠廣雅曰聲比於瑟琴曰歌韓詩  
章句云有章曲謂之歌無章曲謂之謠梁元章  
纂要云齊歌曰謳吳歌曰歠楚歌曰豔浮歌曰  
哇振旅而歌曰凱歌堂上奏樂而歌曰登歌亦  
曰升歌漢時有相和歌本出於街陌謳謠而吳  
歌雜曲始亦徒歌後入於樂府故歌有因地而  
作者易水垓下之類是也有因人而作者五子

華元之類是也甯戚以困而歌項籍以窮而歌  
鄭子產孔子漢張堪皇甫嵩郭喬卿俱取其政  
治而歌雖所遇不同至於發乎情則一也歷世  
已來歌謠雜出今採錄以繫其末云

### 擊壤歌

世紀帝堯之世天下大和百姓無事有八九十  
老人擊壤而歌風土記壤以木為之前廣後銳  
長三四寸形如履臘節童少以為戲分部如摘  
博藝經又云長尺四闊三寸將戲先側一壤于  
地遙於三四十步以手中壤  
敲之中者為上古野老戲也

日出而作日入而息鑿井而飲耕田而食帝力於我何有哉

### 康衢歌

堯徵服游於康衢聞童兒謠堯喜問曰誰教爾為此言童兒曰聞之大夫大夫曰古詩也堯還

宮召舜因  
禪以天下

立我烝民莫匪爾極不識不知順帝之則

### 舜歌

舜雖治定功成禮備樂和而君臣之間或作歌以責難於臣或賡歌以責難於君三百篇其權



興於  
此乎

股肱喜哉元首起哉百工熙哉

賡歌

元首明哉股肱良哉庶事康哉

又賡歌

元首叢脞哉股肱惰哉萬事墮哉

卿雲歌

尚書大傳曰舜將禪禹於時俊乂百工相和而歌卿雲帝乃唱之曰云云八伯咸進稽首曰云

云帝乃再歌曰云云史記天官書曰若烟非烟  
若雲非雲郁郁紛紛蕭索輪囷是謂慶雲慶雲  
即卿雲蓋和氣也

卿雲爛兮

舜

明明上天

八伯

日月有常

舜

卿雲爛爛糺漫漫兮日月光華旦復旦兮

明明上天爛然星陳日月光華弘予一人

日月有常星辰有行四時順經萬姓允誠於予論樂配  
天之靈遷于賢善莫不咸聽養乎鼓之軒乎舞之精華  
已竭褰裳去之

## 南風歌

樂錄曰舜彈五弦之琴歌南風之詩樂書曰舜歌南風而天下治南風者生長之音也舜樂好之樂與天地同意得萬國之歡心故天下治也

南風之薰兮可以解吾民之愠兮南風之時兮可以阜吾民之財兮

## 夏人歌

尚書大傳曰夏人飲酒醉者持不醉者不醉者持醉者而歌曰云云伊尹退而更曰云云薄湯之都也

金史卷一百一十五  
卷一  
盡歸乎薄薄亦大矣

夏人

覺兮較兮吾大命格兮去不善而善何不樂兮

伊尹

江水沛兮舟楫敗兮我王廢兮趣歸於薄薄亦大兮

夏人

樂兮樂兮四牡驕兮六轡沃兮去不善而從善何不樂

兮

伊尹

### 五子歌

大康以逸豫滅厥德盤游無度為羿所距而失  
邦昆弟五人咸怨須于洛汭述大禹之戒以作

歌

皇祖有訓民可近不可下民惟邦本本固邦寧予視天  
下愚夫愚婦一能勝予一人三失怨豈在明不見是圖  
予臨兆民懍乎若朽索之馭六馬為人上者奈何不敬  
訓有之內作色荒外作禽荒甘酒嗜音峻宇雕牆有一  
于此未或不亡

惟彼陶唐有此冀方今失厥道亂其紀綱乃底滅亡  
明明我祖萬邦之君有典有則貽厥子孫闕石和鈞王  
府則有荒墜厥緒覆宗絕祀

鳴呼曷歸予懷之悲萬姓仇予予將疇依鬱陶予予心  
顏厚有忸怩弗慎厥德雖悔可追

黃澤辭

穆天子傳曰天子東遊  
于黃澤使宮樂謠云

皇之陀其馬歟沙皇人威儀皇之澤其馬歟玉皇人壽  
穀

白雲謠

穆天子傳曰天子觴西王母于瑤池  
之上西王母為天子謠天子答之

白雲在天山陵自出道里悠遠山川間之將子無死尚  
復能來

穆天子謠

子歸東土和洽諸夏萬民平均吾願見汝比及三年將  
復而野

南山歌

淮南子曰甯越欲干齊桓公困窮無以自達於  
足為商旅將任車以適於齊莫宿於郭門外桓  
公郊迎客夜開門辟賃車爝火甚衆越飯牛車  
下望見桓公而悲擊牛角而疾商歌桓公聞之

曰異哉非常人也命  
後車載之越一作威

南山斫白石爛生不遭堯與舜禪短布單衣適至髡從  
昏飯牛薄夜半長夜漫漫何時旦

華元歌

宋人增築舊城華元為植巡功城者歌以譏之  
華元亦作歌使驂乘者答之城人又復歌之

睥其目瞤其腹棄甲而復于思于思棄甲復來

驂乘賡歌曰

牛則有皮犀兕尚多棄甲則那



役人又賡歌曰

從其有皮丹漆若何

澤門之哲歌

皇國父為宋太宰為平公築臺於門乃宋東城南門也皇國父曰哲居近之時妨農收稻子罕請畢農功而後興役公勿許築者歌以美子罕

澤門之哲實興我役邑中之黔實慰我心

子產歌

鄭子產為政使都鄙有章上下有服田有封洫廬井有伍豐卷將祭請田焉弗許豐卷怒退而

微役子產奔晉子皮止之而逐豐卷豐卷奔晉  
子產請其田里三年而復之反其田里及其入  
焉從政一年與人歌謠  
以誦之及三年又誦之

取我衣冠而褚之取我田疇而伍之孰殺子產吾其與  
之

又歌曰

我有子弟子產誨之我有田疇子產殖之子產而死誰  
其嗣之

庚癸歌

魯哀公會單平公晉定公吳夫差于黃池吳晉  
爭先趙鞅呼司馬寅曰日盱矣大事未成二臣  
之罪也對曰請少待之乃先晉人吳申叔儀作歌  
乞糧於公孫有山氏有山氏廢歌以復之故教  
申叔儀為私隱以登首山而呼曰庚癸乎則  
諾此言吳子不與眾同饑渴所以取亡也

佩玉縈兮余無所繫之  
旨酒一盛兮余與褐之父睨之

### 廢歌

梁則無矣粗則有之

### 孔子歌

孔子為魯司寇攝行相事其初人歌  
以謗之三月政成化行民歌以誦之

謗歌曰

麤裘而鞞投之無戾鞞之麤裘投之無郵

誦歌曰

袞衣章甫實獲我所章甫袞衣惠我無私

孺子歌

孔子聞孺子歌聲入心通無非至理喻門人聽之清斯濯纓濁斯濯足矣自取之也人曰漁父歌

滄浪之水清兮可以濯我纓滄浪之水濁兮可以濯我

足

接輿歌

孔子將適楚故接輿歌而過其車前譏其不能  
隱為德衰也接輿蓋知尊孔子而趨不同者也

鳳兮鳳兮何德之衰往者不可諫來者猶可追已而已  
而今之從政者殆而

原壤歌

孔子之故人曰原壤其母死孔子助之沐柳原  
壤登木曰久矣子之不託於音也蓋母死而歌  
非禮之甚夫子以其故人故為  
弗聞也者而過之以全其交也

狸首之斑然執女手之卷然

夢奠歌

孔子蚤作負手曳杖逍遙於門乃作歌既歌而  
入謂子貢曰夫明王不興而天下其孰能宗予  
予殆將死也益  
寢疾七日而沒

泰山其頽乎梁木其壞乎哲人其萎乎

成人歌

成人有其兄死而不為衰者聞高子  
臯將為成宰懼而為衰成人歌之

蠶則績而蠋有匡范則冠而蟬有綏兄則死而子臯為

之衰

徐人歌

劉向新序曰延陵季子將聘晉帶寶劍以過徐君徐君觀劍不言而色欲之季子未獻也然其心許之矣使反而徐君已死季子於是

以劍帶徐君墓樹而去徐人為之歌

延陵季子兮不忘故脫千金之劍兮帶丘墓

驪駒歌

此逸詩也漢書儒林傳王式除為博士既至舍中會諸大夫共持酒肉勞式皆注意高仰之博士江公心嫉式謂歌吹諸生曰歌驪駒式曰聞之於師客歌驪駒主人歌客毋庸歸今日諸君

為主人口尚早未可也驪駒者  
客欲去歌之故式以為言也

驪駒在門僕夫俱存驪駒在路僕夫整駕

越人歌

劉向說苑曰鄂君子皙泛舟於新波之中乘青  
翰之舟張翠蓋會鍾鼓之音畢榜枻越人擁楫  
而歌於是鄂君乃掄修袂行而推之  
舉繡被而覆之鄂君楚王母弟也

今夕何夕兮寒洲中流今日何日兮得與王子同舟蒙  
羞被好兮不訾詬恥心幾煩而不絕兮得知王子山有  
木兮木有枝心悦君兮君不知



采葛婦歌

吳越春秋曰采葛越之婦人傷  
越王用心之苦乃作若何之歌

嘗膽不苦味若飴今我采葛以作絲

紫玉歌

樂府詩集曰紫玉吳王夫  
差女也作歌詩以與韓重

南山有鳥北山張羅意欲從君讒言孔多悲結成疹沒  
身黃墟命之不造宛如之何羽族之長名為鳳凰一日  
失雄三年感傷雖有衆鳥不為匹雙故見鄙姿逢君輝

光身遠心近何曾暫忘

渡易水

一曰荆軻歌史記曰燕太子丹使荆軻刺秦王  
丹送之至於易水之上軻使高漸離擊筑軻和  
而歌為變徵之聲又前歌云云  
復為羽聲慷慨於是就車而去

風蕭蕭兮易水寒壯士一去兮不復還

垓下歌

漢書曰高祖圍項羽垓下是夜聞漢軍皆楚歌  
驚曰漢已得楚乎起飲帳中有美人姓虞氏常  
從駿馬名騅常騎乃悲歌慷慨自為歌詩數曲  
美人和之羽泣下數行遂上馬潰圍南出平明

漢軍乃覺按琴集有力拔山操項羽所作也近世有虞美人曲亦出於此

力拔山兮氣蓋世時不利兮騅不逝騅不逝兮可奈何

虞兮虞兮奈若何

### 大風歌

漢書曰高祖既定天下還過沛留置酒沛宮悲召故人父老子弟佐酒發沛中兒得百二十人教之歌酒酣帝擊筑自歌今兒皆和習之帝自起舞按琴操有大風起漢高帝所作也

大風起兮雲飛揚威加海內兮歸故鄉安得猛士兮守

四方

# 楚歌

漢書曰高祖欲立戚夫人子趙王如意而廢太子後不果戚夫人泣涕帝曰為我楚舞吾為楚歌其旨言太子得四皓為輔羽翼成就不可易也顏師古曰楚歌者楚人之歌猶吳歎越吟也

鴻鵠高飛一舉千里羽翼已就橫絕四海橫絕四海又可奈何雖有繒繳尚安所施

# 平城歌

漢書匈奴傳曰高祖自將兵三十二萬擊韓王信帝先至平城步兵未盡到冒頓縱精兵三十餘萬圍帝於白登七日漢兵中外不得救餉樊噲時為上將軍不能解圍天下皆歌之後用陳

平秘計得免白登在平  
城東南去平城十餘里

平城之下亦誠苦七日不食不能殽弩

### 戚夫人歌

漢書外戚傳曰高祖得定陶戚姬愛幸生趙隱  
王如意惠帝立呂后為皇太后迺令永巷囚戚  
夫人髡鉗衣赭衣令舂戚夫人舂且歌太后聞  
之大怒曰乃欲倚子邪召趙王殺之戚夫人遂  
有人藏之禍

子為王母為虜終日舂薄暮常與死為伍相離三千里  
當誰使告汝

趙幽王歌

漢書曰趙幽王友高帝之子孝惠時友以諸呂女為后不愛愛他姬諸呂女讒之於太后太后怒召趙王置邸令衛園守之趙王餓乃作歌遂幽死

諸呂用事兮劉氏微迫脇王侯兮彊授我妃我妃既妒  
兮誣我以惡讒女亂國兮上曾不寤我無忠良兮何故  
棄國自決中野兮蒼天與直于嗟不可悔兮寧早自賊  
為王餓死兮誰者憐之呂氏絕理兮託天報仇

畫一歌

漢高帝與蕭何定天下法令既明何薨參代何  
為相謂帝曰一遵約束而勿失不亦可乎帝曰  
善參為相國三  
年百姓歌之曰

蕭何為法較若畫一曹參代之守而勿失戴其清淨民  
以寧壹

### 秋風詞

漢武帝故事曰帝行幸河東祠后土顧視帝京  
忻然中流與羣臣飲讌帝歡甚乃自作秋風詞

秋風起兮白雲飛艸木黃落兮雁南歸蘭有秀兮菊有  
芳懷佳人兮不能忘汎樓船兮濟汾河橫中流兮揚素

波簫鼓鳴兮發擢歌歡樂極兮哀情多少壯幾時兮奈  
老何

瓠子歌二首

史記河渠書漢武帝既封禪乃使汲仁郭昌發  
卒數萬人塞瓠子決河後上自臨祭沈白馬玉  
璧令羣臣從官皆負薪寘決河時東流郡燒草薪  
柴少乃下淇園之竹以為榱天子悼功之不成乃  
作歌二章於是卒塞瓠  
子築宮其上曰宣房宮

瓠子決兮將奈何皓皓盱盱兮閭殫為河殫為河兮地  
不得寧功無已時兮吾山平吾山平兮鉅野溢魚沸鬱



兮柏冬日延道弛兮離常流蛟龍騁兮方遠遊歸舊川  
兮神哉沛不封禪兮安知外為我謂河伯兮何不仁汎  
濫不止兮愁吾人齧桑浮兮淮泗滿久不返兮水維緩  
河湯湯兮激潺湲北渡迆兮浚流難寧長芟兮湛美玉  
河伯許兮薪不屬薪不屬兮衛人罪燒蕭條兮噫乎何  
以禦水隕林竹兮楸石菑宣房塞兮萬福來

### 天馬歌

漢武帝紀元鼎四年秋馬生涯注中作天馬之  
歌太初四年春貳師將軍李廣利斬大宛王首

獲汗血馬來作  
西極天馬之歌

太乙沉天馬下  
霑赤汗沫流赭志  
倂儻精權奇籥音躡浮

雲晻鳥感反

上馳體容與逝

音例

萬里今安匹龍為友

天馬來從西極涉流沙  
九夷服天馬來出泉水  
虎脊兩

化若鬼

變化如神

天馬來歷無皐經千里  
循東道天馬來執

徐時

歲在辰

將搖舉誰與期  
天馬來開遠門竦予身  
逝崑

崙天馬來龍之媒  
游閭闔登玉臺

蒲梢天馬歌

史記樂書稱武帝伐大宛  
得千里馬名蒲稍作歌

天馬徠兮從西極  
經萬里兮歸有德  
承靈威兮降外國  
涉流沙兮四夷服

### 李夫人歌

漢書外戚傳曰孝武李夫人本以倡進初武帝  
愛其兄延年平陽公主因言延年有女弟帝乃  
召見之實妙麗善舞由是得幸夫人少而蚤卒  
帝思念不已方士齊人少翁言能致其神迺夜  
張燈燭設帷帳陳酒肉而令帝居帷帳遙望見  
好女如李夫人之貌還帷坐而步人不得就視  
帝愈益相思悲感為作詩  
令樂府諸音家絃歌之

是邪非邪立而望之翩何姍姍其來遲

李延年歌

漢書外戚傳曰李延年性知音善歌舞武帝愛之嘗侍上起舞而歌延年後為協律都尉

北方有佳人絕世而獨立一顧傾人城再顧傾人國寧不知傾城與傾國佳人難再得

烏孫公主歌

漢書西域傳曰武帝元封中遣江都王建女細君為公主以妻烏孫王昆莫公主至其國自治宮室居歲時一再與昆莫會置酒飲食昆莫年老言語不通公主悲乃自作歌

吾家嫁我兮天一方遠託異國兮烏孫王穹廬為室兮  
旃為牆以肉為食兮酪為漿居常土思兮心內傷願為  
黃鵠兮歸故鄉

黃鵠歌

西京雜記始元元年黃鵠下太液池帝為此歌

黃鵠飛兮下建章羽肅肅兮行跼跼金為衣兮菊為裳  
唼喋荷荇出入蕙葭自顧菲薄愧爾嘉祥

漢成帝時歌謠

欽定四庫全書

卷一

漢書五行志成帝時歌謠也桂赤色漢家象花  
不實無繼嗣也王莽自謂黃象黃爵巢其顛也

邪徑敗良田讒言亂善人桂樹花不實黃爵巢其顛昔

為人所羨今為人所憐

城上烏童謠

後漢書五行志桓帝之初京都童謠按此皆謂  
為政貪也城上烏尾畢過者處高利獨食不與  
下共謂人主多聚斂也公為吏予為徒者言蠻  
夷將畔逆父既為軍吏其子又為卒徒往擊之  
也一徙死百乘車者言前一人往討胡既死矣  
後又遣百乘車往車班班入河間者言桓帝將  
崩乘輿班班入河間迎靈帝也河間蛇女工數  
錢以錢為室金為堂者言靈帝既立其母永樂

太后好聚金以為堂也石上慊慊春黃梁言永樂惟積金錢慊慊常若不足吏人春黃梁而食之也梁下有懸鉞我欲擊之丞卿怒者言永樂教雲帝使賣官受錢所祿非其人天下忠篤之士怨望欲擊懸鼓以求見丞卿主鉞者亦復諂順怒而止我也劉昫以為此謠後驗竟為靈帝作言一徒似斥桓帝帝責任羣閣參委機政左右前後莫非刑人有同囚徒之長故言寄一徒也且人弟則廢黜身無嗣塊然單獨非一而何百乘車者乃國之君解犢後徵正膺斯數繼以班班尤得以類焉解犢靈帝所封也

城上烏尾畢逋公為吏子為徒一徒死百乘車車班班入河間河間姁女工數錢以錢為室金為堂石上慊慊

春黃梁梁下有懸鉞我欲擊之丞卿怒

鮑司隸歌

樂府廣題列異傳鮑宣子永永子昱三世皆為司隸而乘一驄馬京師人歌之

鮑氏驄三人司隸再入公馬雖瘦行步工

張堪歌

漢光武十五年張堪拜漁陽太守堪視事八年匈奴不敢犯塞勸民耕稼以致殷富百姓喜其德政以歌之

桑無附枝麥穗兩歧張君為政樂不可支



# 五噫歌

三輔決錄梁鴻東出關過京師作五噫之歌肅宗聞而非之求鴻不得

陟彼北邙兮噫顧瞻帝京兮噫宮闕崔嵬兮噫民之劬勞兮噫遼遼未央兮噫

# 鷄鳴歌

樂府廣題曰漢有雞鳴衛士主雞鳴宮中漢書曰高祖圓項羽垓下羽是夜聞漢軍四面皆楚歌應劭曰楚歌者雞鳴歌也按周禮雞人掌大祭祀夜呼旦以詔百官則所起亦遠矣

東方欲明星爛爛汝南晨雞登壇喚曲終漏盡嚴具陳



月沒星稀天下旦千門萬戶遞魚鑰宮中城上飛烏鵲

### 岑君歌

後漢書岑熙為魏郡太守招聘隱逸與參政事無為而化視市二年與人歌之

我有枳棘岑君伐之我有蝨賊岑君過之狗吠不驚足  
下生鼃含哺鼓腹焉知凶災我喜我生獨丁斯時美矣  
岑君於戲休茲

### 郭喬卿歌

後漢書郭賀字喬卿建武中為尚書令在職六年拜荊州刺史到官有殊政百姓歌之顯宗巡

狩到南陽特見嗟賞賜以三公之服救行  
部去襁帷使百姓見其容服以章有德

厥德仁明郭喬卿中正朝廷天下平

### 皇甫嵩歌

後漢書皇甫嵩為冀州牧請冀州  
一年田租以贍饑民百姓歌之

天下大亂兮市為墟母不保子兮妻失夫  
賴得皇甫兮

### 復安居

### 劉君歌

後漢書劉陶舉孝廉除順陽長縣多姦猾  
陶到官按發若神以病免吏民思而歌之

卷一  
邑然不樂思我劉君何時復來安此下民

洛陽令歌

長沙耆舊傳祝良字石卿為洛陽令歲時亢旱  
天子祈雨不得良乃暴身階庭告誠引罪自晨  
至中紫雲沓起廿  
雨登降人為之歌

天久不雨烝人失所天王自出祝令特苦精符感應滂  
沱下雨

滎陽令歌

殷氏世傳殷襄滎陽令廣築學館  
會集朋徒民知禮讓乃歌之云

滎陽令有異政修立學校人易性令我子弟恥訟爭

京兆謠

後漢書曰李燮拜京兆詔發西園錢燮上封事遂止不發吏民愛敬乃為此謠

我府君道教舉思如春威如虎剛不吐柔不茹愛如母  
訓如父

東哲歌

晉書東哲陽平元城人太康中郡界大旱哲為邑人請雨三日而雨注衆謂哲誠感而為作歌

東先生通神明請天三日甘雨零我黍以育我稷以生

欽定四庫全書

古詩  
卷一

何以疇之報束長生

豫州歌

晉書祖逖為豫州刺史躬自儉約督課農桑克  
已務施不畜資產子弟耕耘負擔樵薪又收糞  
枯骨為之祭醕百姓感悅嘗置大會耆老中坐  
流涕曰吾等老矣更得父母死將何恨乃歌曰

幸哉遺黎免俘虜三辰既朗遇慈父  
玄酒忘勞甘瓠脯  
何以詠思歌且舞

應詹歌

王澄惡帝末為荊州牧假應詹督南平天門武  
陵三郡軍事天下大亂詹境獨全百姓歌之

亂離既普殆為灰朽僥倖之運賴茲應后歲寒不凋孤  
境獨守拯我塗炭惠隆邱阜潤同江海思猶父母

### 吳人歌

鄧攸元帝時為吳郡太守刑政清明百姓歡悅  
後稱疾去百姓數千人留牽攸船不得進攸乃  
少停夜中發去吳人歌之

紉如打五鼓雞鳴天欲曙鄧侯挽不留謝令推不去

### 隴上歌

晉書載記曰劉曜圍陳安於隴城安敗南走陝  
中曜使將軍平先邱中伯率勁騎追安安與壯

欽定四庫全書

古詩集  
卷一

士十餘騎於陝中格戰安左手奮七尺大刀右手執丈八蛇矛近交則刀矛俱發輒害五六遠則雙帶鞭服左右馳射而走平先亦壯健絕人與安搏戰三交奪其蛇矛而退遂追斬于澗曲安善於撫接吉凶夷險與衆同之及其死隴上為之歌曜聞而嘉傷命樂府歌之

隴上壯士有陳安軀幹雖小腹中寬愛養將士同心肝  
驕驄父馬鐵鍛鞍七尺大刀奮如湍丈八蛇矛左右盤  
十盞十決無當前戰始三交失蛇矛棄我驕驄竄巖幽  
為我外援而懸頭西流之水東流河一去不還奈子何

裴公歌



北史曰裴俠為河北郡守躬履儉素愛民如子  
郡舊有漁獵夫三十人以供郡守俠曰以口腹  
役人吾所不為也悲罷之又有人丁三十人供郡  
守役俠亦罷之不以入私並收庸為市官馬歲  
時既積馬遂成馬羣去職  
之日一無所取民歌之云

肥鮮不食丁庸不取裴公貞惠為世規矩

### 敕勒歌

樂府廣題曰北齊神武攻周玉壁士卒死者十  
四五神武恚憤疾發周王下令曰高歡鼠子親  
犯玉壁劍弩一發元凶自斃神武聞之勉坐以  
安士眾悲引諸貴使斛律金唱敕勒神武自和  
之其歌本鮮卑語易為  
齊言故其句長短不齊

救勒川陰山下天似穹廬籠蓋四野天蒼蒼野茫茫風  
吹草低見牛羊

東征歌

隋王通

杜淹文中世家曰隋仁壽中文中子西游長安  
見文帝奏太平十有二策帝下其議於公卿公  
卿不悅文中子知謀之不用作東  
征之歌而歸帝聞而再徵之不至

我思國家兮遠遊京畿忽逢帝王兮降禮布衣遂懷古  
人之心兮將興太平之基時異事變兮志乖願違吁嗟  
道之不行兮垂翅東歸皇之不斷兮將身西飛

# 淫預歌

鄜道元水經注曰白帝山城水門之西江中有  
孤石名淫預石水冬出二十餘丈夏則沒亦有  
裁出焉江水東逕廣峽溪乃三峽首之也峽中  
有瞿塘黃龕二灘夏水回復汧所忌十道志  
曰淫預石與城郭門外石潛通蜀人往燒火伏  
石則淫預邊沸國史補曰蜀之三峽最號峻急  
四月五月尤險故行者歌  
之淫或作艷預或作豫

灩預大如馬瞿唐不可下

灩預大如牛瞿唐不可流

淫預大如服瞿塘不可觸金沙浮轉多桂浦忌經過

挾瑟歌

春風宛轉入曲房兼送小苑百花香  
白馬金鞍去未返紅粧玉筍下成行

靈芝歌

因靈寢兮產靈芝象三德兮瑞應圖  
延壽命兮光此都配上帝兮象太微  
叅日月兮揚光輝

古樂府卷一

欽定四庫全書

古樂府卷二

元 左克明 撰

鼓吹曲歌辭

鼓吹曲一曰短簫鏡歌劉琨定軍禮云鼓吹未  
知其始或曰黃帝岐伯所作以建威揚德風勸  
敵士蔡邕禮樂志曰漢樂四品其四曰短簫鏡  
歌軍樂也建初伎錄云列于殿庭者名鼓吹按

孫權觀魏武帝軍作鼓吹而還此應是今之鼓吹晉中興書曰漢武帝時南越加置七郡皆假鼓吹班超拜長史假鼓吹麾幢則短簫鐃歌漢時已名鼓吹不自魏晉始也西京雜記漢大駕祠甘泉汾陰備千乘萬騎有黃門前後部鼓吹則不獨列于殿庭者名鼓吹也古今註曰漢樂有黃門鼓吹而短簫鐃歌鼓吹之一章爾然則黃門鼓吹短簫鐃歌與橫吹曲得通名鼓吹但

所用異爾漢有二十二曲列于鼓吹謂之饒歌  
而存者十八篇曰朱鷺思悲翁艾如張上之回  
擁離戰城南巫山高上陵將進酒君馬黃芳樹  
有所思雉子班聖人出上邪臨高臺遠如期石  
流而務成玄雲黃雀釣竿四篇其辭已亡魏文  
帝受命使繆襲改造十二曲曰楚之平戰滎陽  
獲呂布克官渡禱邦定武功屠柳城平南荆平  
關中應帝期邕熙大和吳亦令韋昭改製十二

曲曰炎精缺漢之季攄武師伐烏林秋風克皖  
城闕背德通荆門章洪德從厯數承天命玄化  
而君馬黃雉子班聖人出臨高臺遠如期石流  
務成玄雲黃雀釣竿十曲竝仍其舊名晉武帝  
受禪命傳元製二十二曲曰靈之祥宣受命征  
遼東宣輔政時運多難景龍飛平玉衡文皇統  
百揆因時運惟庸蜀天序大晉承運期金靈運  
於穆我皇仲春振旅夏苗田仲秋獮田順天道



唐堯玄雲伯益釣竿而玄雲釣竿名不改舊宋  
何承天於義熙末年秋製十五篇皆擬漢舊名  
大抵別增新意其義與古辭不合疑未嘗被於  
歌聲也如齊王融謝朓梁昭明太子統范雲陳  
蘇子卿等追擬古題立義不同今取其一二立  
于篇次以便觀覽云

饒歌

朱鷺

漢古辭

此蓋因飾鼓以鷺而名曲馬魏繆襲改朱鷺為  
楚之平吳常昭改為炎精缺言漢室衰孫堅奮  
迅猛志念在匡救王迹也晉傅玄改為靈之祥  
言宣皇帝之佐魏猶虞舜之事堯也既有石瑞  
之徵又能用武以誅孟度之逆命也宋何承天  
朱鷺篇曰朱鷺揚和鷺翠蓋耀金華但稱路車  
之美與  
漢曲異

朱鷺魚以烏路訾邪鷺何食食茹下不之食不以吐將

以問誅

一作諫

者

楚之平

一作初  
之子

魏繆襲

楚之平義兵征神武奮金鼓鳴邁武德揚洪名漢室

徵社稷傾皇道失桓與靈閭官熾羣雄爭邊韓起亂  
金城中國擾無紀經赫武皇起旗旌麾天下天下平  
濟九州九州寧創武功武功成越五帝邈三王興禮  
樂定紀綱普日月齊輝光

炎精缺

吳韋昭

炎精缺漢道徵皇綱弛政德違衆姦熾民罔依赫武  
烈越龍飛陟天衢耀靈威鳴雷鼓抗電麾撫乾衡鎮  
地機厲虎旅騁熊羆發神聽吐英奇張角破邊韓羈

宛賴平南土綏神武章渥澤施金聲震仁風馳顯高  
門啟皇基統罔極垂將來

靈之祥

晉傅玄

靈之祥石瑞章旌金德出西方天降命授宣皇應期  
運時龍驤繼大舜佐陶唐讚文武建帝綱孟氏叛據  
南疆追有扈亂五常吳寇勁蜀虜疆交誓盟連遐荒  
宣赫怒奮鷹揚震乾威曜電光陵九天陷石城梟逆  
命拯有生萬國安四海寧

朱路篇

宋何承天

朱路揚和鸞翠蓋耀金華玄牡飾樊纓流旌拂飛霞  
雄戟闢曠塗班劍翼高車三軍且莫喧聽我奏鏡歌  
清鞞驚短簫朗鼓節鳴笳人心惟愷豫茲音亮且和  
輕風起紅塵淳濶發微波逸韻騰天路積響結城阿  
仁聲被八表威靈振九遐嗟嗟介胄士勗哉念皇家

思悲翁

漢古辭

此漢古辭魏改為戰榮陽言曹公也吳改為漢  
之季言孫堅悼歎漢之微痛董卓之亂興兵喬

擊功蓋海內也晉曰宣受命言宣皇帝禦諸葛亮養威重運神兵亮震怖死也宋何承天以為

思悲

公篇

思悲翁唐思奪我美人侵以遇悲翁也但我思蓬首

一作

叢

狗逐狡兔食交君梟子五梟母六拉背高飛暮安宿

戰榮陽

魏繆襲

戰榮陽汴水陂戎士憤怒貫甲馳陣未成退徐榮二

萬騎塹壘平戎馬傷六軍驚勢不集衆幾傾白日沒

時晦冥顧中年心屏營同盟疑計無成賴我武皇萬

國寧

漢之季

吳韋昭

漢之季董卓亂桓桓武烈應時運義兵興雲旗建厲  
六師羅八陣飛鳴鏑接白刃輕騎發介士奮醜虜震  
使衆散劫漢主遷西館雄豪怒元惡憤赫赫皇祖功  
名聞

宣受命

晉傅玄

宣受命應天機風雲時動神龍飛禦諸葛鎮雍梁邊

境定夷夏康務節事勤定傾攬英雄保持盈淵穆穆  
赫明明沖而泰天之經養威重運神兵亮乃震斃一作死  
天下寧

思悲公篇

何承天

思悲公懷袞衣東國何悲公西歸公西歸流二叔幼  
主既悟偃禾復偃禾復聖志申營都新邑從斯民從  
斯民德惟明制禮作樂興頌聲興頌聲致嘉祥鳴鳳  
爰集萬國康萬國康猶弗已握髮吐食下羣士惟我



君繼伊周親覩盛世復何求

艾如張

漢古辭

古辭曰艾而張羅又曰雀以高飛奈雀何穀梁傳艾蘭以為防置旗以為棘門謂因蒐狩以習武事也魏改為獲呂布言曹公東圍臨淮生擒呂布也吳曰據武師言孫權卒父之業而征伐也晉曰征遼東言宣皇帝臨大海之表討滅公孫淵而梟其首也蘇子卿云張機蓬艾側宋古詞曰幾令吾呼歷舍俱失古題本意聲相傳訓詁不可復解但俱失古題本意

艾而張羅夷於何行成之四時和山出黃雀亦有羅雀

以高飛奈雀何為此倚欲誰肯礪室

獲呂布

魏繆襲

獲呂布戮陳宮焚夷鯨鯢驅騁羣雄囊括天下運掌

中

攄武師

吳韋昭

攄武師斬黃祖擒夷凶族革平西夏炎炎大烈震天

下

征遼東

晉傅玄

征遼東敵失撓威靈邁日域公孫既授首羣逆破膽  
咸震怖朔北響應海表景附武功赫赫德雲布

擬題

陳蘇子卿

誰在閒門外羅家諸少年張機蓬艾側結網槿籬邊  
若能飛自免豈為繒所纏黃雀倘為誠朱絲猶可延

宋古辭

幾令吾呼歷舍居執來隨咄武子邪令烏銜針相風  
其右其右解一幾令吾呼羣議破萌執來隨吾咄武子

邪令烏今烏今臚入海相風及後

解二

幾令吾呼無公

赫吾執來隨吾咄武子邪令烏無公赫吾据立諸布

始布

解三

上之回

漢古辭

漢武帝元封初因至雍遂通回中道後數遊幸焉其歌稱帝遊石闕望諸國月支臣匈奴服皆美當時事也魏改為克官渡言曹公與袁紹戰破之於官渡也吳曰伐烏林言魏武既破荊州順流東下欲來爭鋒孫權命將周瑜逆擊之於烏林而走破也晉曰宣輔政言宣皇帝聖道深遠撥亂反正網羅文武之才以定二儀之序也

上之回所中益夏將至行將北以承甘泉宮寒暑德遊  
石闕望諸國月支臣匈奴服今從百官疾駟馳千秋萬  
歲樂無極

克官渡

魏繆襲

克紹官渡由白馬僵屍流血被原野賊衆如犬羊王  
師尚寡沙塤傍風飛揚轉戰不利士卒傷今日不勝  
後何望土山地道不可當卒勝大捷震蕩方屠城破  
邑神武遂章

伐烏林

吳韋昭

曹操北伐拔柳城乘勝席卷遂南征劉氏不睦八郡  
震驚衆既降操屠荊舟車十萬揚風聲議者狐疑慮  
無成賴我大皇發聖明虎臣雄烈周與程破操烏林  
顯章功名

宣輔政

晉傅玄

宣皇輔政聖烈深撥亂反正從天心網羅文武才慎  
厥所生所生賢遺教施安上治民化風移肇創帝基

洪業垂於鑠明明時赫戲功濟萬世定二儀雲澤雨  
施海外風馳

翁離

漢古辭

一作雍離一作擁離魏改曰舊邦言曹公勝表  
紹於官渡還燕收藏死亡士卒也吳曰秋風言  
孫權悅以使民民忘其死也晉曰時運多難言  
宣皇致討吳方有征無戰也何承天云雍士離  
心義  
稍異

擁離趾中可築室何用葺之蕙用蘭擁離趾中

舊邦

魏繆襲

舊邦蕭條心傷悲孤鳧翩翩當何依遊士戀故涕如  
摧兵起事大令願違傳求親戚在者誰立廟置後鳧

來歸

一曰魂  
來求歸

秋風

吳韋昭

秋風揚沙塵寒露沾衣裳角弓持弦急鳩鳥化為鷹  
邊垂飛羽檄寇賊侵界疆跨馬披甲冑慷慨懷悲傷  
辭親向長路安知存與亡窮達固有分志士思立功  
思立功邀之戰場身逸獲高賞身沒有遺封



時運多難

晉傳玄

時運多難道教痛天地變化有盈虛蠢爾吳蠻虎視  
江湖我皇赫斯致天誅有征無戰弭其圖天威橫被  
廓東隅

雍離篇

何承天

雍士多離心荆民懷怨情二凶不量德搆難稱其兵  
王人銜朝命正辭糾不庭上宰宣九伐萬里舉長旌  
樓船掩江濱駟介飛重英歸德戒後夫賈勇尚先鳴

逆徒既不濟愚智亦相傾霜鋒未及染鄢郢忽已清  
西川無潛鱗北渚有奔鯨凌威致天府一戰夷三城  
江漢被美化宇宙歌太平惟我東郡民曾是深推誠

戰城南

漢古辭

其詞大畧言戰城南死郭北野死不葬為烏鳥  
所食願為忠臣朝出攻戰而暮不得歸也魏改  
為定武功言曹公初破鄴武功之定始乎此也  
吳曰克皖城言魏武志圖并兼而今朱光為廬  
江太守孫權親征光破之於皖城也晉曰景龍  
飛言景帝克明威教賞從夷逆祚隆無疆崇此  
洪基也宋何承天擬題以為  
士卒勇於赴敵而有成功也

戰城南死郭北野死不葬烏可食為我謂烏且為客豪  
野死諒不葬腐肉安能去子逃水深激激蒲葦冥冥梟  
騎戰鬪死驚馬徘徊鳴梁築室何以南梁何北禾黍不  
獲君何食願為忠臣安可得思子良臣良臣誠可思朝  
行出攻暮不夜歸

定武功

魏繆襲

定武功濟黃河河水湯湯旦暮有橫流波表氏欲衰  
兄弟尋干戈決漳水水流滂沱嗟城中如流魚誰能

復顧室家計窮慮盡求來連和和不時心中憂戚賊  
衆內潰君臣奔北拔鄴城奄有魏國王業艱難覽觀  
古今可為長嘆

克皖城

吳韋昭

克滅皖城遏寇賊惡此凶孽阻姦慝王師赫征衆傾  
覆除穢去暴戢兵革民得就農邊境息誅君弔民昭  
至德

景龍飛

晉傅玄

景龍飛御天威聰鑒玄察動與神明協機從之者顯  
逆之者滅夷文教敷武功巍普被四海萬邦望風莫  
不來綏聖德潛斷先天弗違弗違祥享世永長猛以  
致寬道化光赫明明祚隆無疆帝績惟期有命既集  
崇此洪基

戰城南篇

何承天

戰城南衝黃塵丹旌電熒鼓雷震勅敵猛戎馬殷橫  
陣亘野若屯雲仗大順應三靈義之所感士忘生長

劍擊繁弱鳴飛鏑炫晃亂奔星虎騎躍華旄旋朱火  
延起騰飛烟驍雄斬高旗寧長角浮叫響清天夷羣  
寇殪逆徒餘黎霑惠詠來蘇奏愷樂歸皇都班爵獻  
俘邦國娛

巫山高

漢古辭

古詞大畧言江淮水深無梁可度臨水遠望思  
歸而已魏改為屠柳城言曹公越北塞歷白檀  
破三郡烏桓於柳城也吳曰闔背德言蜀將闔  
羽背棄吳德心懷不軌孫權引師浮江而擒之  
也晉曰平王衡言景帝一萬國之殊風齊四海  
之乖心禮賢養士而纂洪業也宋何承天以李

氏恃險為晉所滅也若齊王融想像巫山高梁  
范雲巫山高不極難以陽臺神女之事無復遠  
道望歸之思也

巫山高高以大淮水深難以逝我欲東歸害梁不為我  
集無高曳水何梁湯湯回回臨水遠望泣下沾衣遠道  
之人心思歸謂之何

屠柳城

魏繆襲

屠柳城功誠難越度隴塞路漫漫北踰岡平但聞悲  
風正酸蹋頓授首遂登白狼山神武懋海外永無北

顧忠

關背德

吳韋昭

關背德作鵠張割我邑城圖不祥稱兵北伐圍樊襄  
陽嗟臂大於股將受其殃巍巍夫聖主睿德與玄通  
與玄通親任呂蒙泛舟洪汜池溯涉長江神武一何  
桓桓聲烈正與風翔歷撫江安城大據郢邦虜羽授  
首百蠻咸來同盛哉無比隆

平玉衡

晉傳玄



平玉衡紉姦回萬國殊風四海乖禮賢養士羈御英  
雄思心齊纂戎洪業崇皇階品物咸亨聖敬日躋聰  
鑒盡下情明明綜天機

巫山高篇

何承天

巫山高三峽峻青壁千尋深谷萬仞崇巖冠靈林冥  
冥山禽夜響晨猿相和鳴洪波迅復載逝載停悽悽  
商旅之客懷苦情在昔陽九皇綱微李氏竊命宣武  
耀靈威蠢爾逆縱復踐亂機王旅薄伐傳首來至京

師古之為國惟德是貴力戰而虐民鮮不顛墜矧乃  
叛戾伊胡能遂洛爾巴子無放肆

王融

想像

一作  
髣髴

巫山高薄暮陽臺曲烟雲乍舒卷援鳥時

斷續

一作烟華乍卷  
舒行芳時斷續

彼美如可期寤言紛在矚憮然

坐相望秋風下庭綠

范雲

巫山高不極白日隱光輝靄靄朝雲去溟溟暮雨歸

巖懸獸無跡林暗鳥疑飛枕席竟誰薦相望空依依

# 上陵

漢古辭

古今樂錄曰漢章帝元和中有宗廟食舉共六曲加重來上陵二曲為上陵食舉後漢書禮儀志曰正月上丁祠南郊次北郊明堂高廟世祖廟謂之五供禮畢以次上陵西都舊有上陵東都之儀太官上食太常樂奏食舉按古詞大畧言神仙事不知與食舉曲同否魏改曰平南荆言曹公南平荊州也吳曰通荆門言孫權與蜀交好齊盟中有闕羽自失之愆戎蠻樂亂生變作患蜀疑其眩吳惡其詐乃大治兵終復初好也晉曰文皇統百揆言文皇帝始統百揆用人有序以敷太平之化也宋何承天曰上陵者相追攀但言升高望遠傷時怨歎而已

上陵何美美下津風以寒問客從何來言從水中央桂  
樹為君船青絲為君竿木蘭為君櫂黃金錯其間滄海  
之雀赤翅鴻白雁隨山林乍開乍合曾不知日月明醴  
泉之水光澤何蔚蔚芝為車龍為馬覽遨遊四海外甘  
露初二年芝生銅池中仙人下來飲延壽千萬歲

平南荊

魏繆襲

南荊何遼遼江漢濁不清菁茅久不貢王師赫南征  
劉琮據襄陽賊備屯樊城六軍廬新野金鼓震天庭

劉子面縛至武皇許其成許其成撫其民陶陶江漢  
間普為大魏臣大魏臣向風思自新思自新齊功古  
人在昔虞與唐大魏得與均多選忠義士為朕脣天  
下一定萬世無風塵

通荆門

吳韋昭

荆門限巫山高峻與雲連蠻夷阻其險歷世懷不賓  
漢王據蜀郡崇好結和親乖微中情疑讒夫亂其間  
大皇赫斯怒虎臣勇氣震蕩滌幽藪討不恭觀兵揚

炎耀厲鋒整封疆整封疆闡揚威武容功赫戲洪烈  
炳章邈矣帝皇世聖吳同厥風荒裔望清化化恢弘  
煌煌大吳延祚永未央

文皇統百揆

晉傳玄

文皇統百揆繼天理萬方武將鎮四隅英佐盈朝堂  
謀言協秋蘭清風發其芳洪澤所漸潤礫石為珪璋  
大道侔五帝盛德踰三王咸光大上參天與地至化  
無內外無內外六合並康乂並康乂邁茲嘉會在昔

義與農大晉德斯邁鎮征及諸州為蕃衛立功濟四海洪烈流萬世

上陵者篇

何承天

上陵者相追攀被服纖麗振綺紈攜童幼升崇巒南望城闕鬱盤桓王公第通衢端高甍華屋列朱軒臨濬谷掇秋蘭士女悠奕映隰原指營丘感牛山爽鳩既沒景君歎嗟歲聿逝不還志氣衰沮玄鬢斑野莽宿墳土乾顧此累累中心酸生必死亦何怨取樂今

日展情懽

將進酒

漢古辭

古詞曰將進酒乘太白大畧以飲酒放歌為言  
魏改為平闕中言曹公征馬超定闕中也吳曰  
章洪德言孫權章其大德而遠方來附也晉曰  
因時運言文皇帝因時運變聖謀潛施解長蛇  
之交離羣桀之黨以武濟文審其大計以邁其  
德也宋何承天曰將進酒慶三朝備繁禮薦嘉  
有則言朝會進酒且以濡首荒志為戒若梁昭  
明太子云洛陽輕薄子但敘遊樂飲酒而已

將進酒乘太白辨佳哉詩審搏放故歌心所作同陰氣  
詩悲索使禹良工觀者苦



平關中

魏繆襲

平關中路向潼濟濁水立高墉關韓馬離羣凶選驍  
騎縱兩翼虜崩潰級萬億

章洪德

吳韋昭

章洪德邁威神感殊風懷遠邾平南裔齊海濱越裳  
貢扶南臣珍貨充庭所見日新

因時運

晉傅玄

因時運聖策施長蛇交解羣桀離勢窮奔吳虎騎厲

惟武進審大計時邁其德清一世

將進酒篇

何承天

將進酒慶三朝備繁禮薦嘉肴榮枯換霜霧交緩春  
帶命朋僚車等旗馬齊鑣懷溫克樂林濠士失志慍  
情勞思旨酒寄遊遨敗德人甘醇醪耽長夜或淫妖  
興屢舞厲哇謠形傿傿聲號呶首既濡志亦荒性命  
天國家亡嗟後生節酣觴匪酒辜孰為殃

梁昭明太子

洛陽輕薄子長安遊俠兒宜城湓渠枕中山浮羽卮

君馬黃

漢古辭

初言君馬黃臣馬蒼二馬同逐臣馬良終言美人歸以南歸以北駕車馳馬令我心傷而晉改為金靈運則言聖皇踐祚致敬宗廟而孝行於天下也而宋何承天止言馬而已

君馬黃臣馬蒼二馬同逐臣馬良易之有驪蔡有赭美人歸以南駕車馳馬美人傷我心佳人歸以北駕車馳馬佳人安終極

金靈運

晉傳玄

金靈運天符發聖徵見參日月惟我皇體神聖受魏  
禪應天命皇之興靈有徵登天麓御萬乘皇之輔若  
闕虎爪牙奮莫之禦皇之佐讚清化百事理萬邦賀  
神祇應嘉瑞章恭享禮薦先皇樂時奏磬管鏘鼓淵  
淵鍾鎗鎗奠樽俎實玉觴神歆饗咸悅康宴孫子祐  
無疆大孝烝烝德教被萬方

君馬篇

何承天

君馬麗且閑揚鑣騰逸姿駿足躡流景高步追輕飛

冉冉六轡柔奕奕金華暉輕霄羽翼蓋長風靡淑旂  
願為范氏驅雍容步中畿豈效詭遇子馳騁趣危機  
鈇陵策良駟造父為之悲不怨吳坂峻但恨伯樂稀  
敕彼岐山盜實濟韓原師奈何漢魏主縱情營所私  
疲民甘藜藿廢馬患盈肥人畜皆厭養蒼生將焉歸

### 芳樹

### 漢古辭

古詞云妒人之子愁殺人君有他心樂不可禁  
魏改曰邕熙言魏氏臨其國君臣邕穆庶績咸  
熙也吳曰承天命言上以聖德踐位道化至盛  
也晉曰天序言聖皇應歷受禪弘濟大化用人

各盡其才也何承天擬題止言芳樹而佳人之  
傷時而已若王融相思早春日謝朓早散華池  
陰但言時莫衆  
芳歇絕而已

芳樹日月君亂如於風芳樹不上無心溫而鵲三而為  
行臨蘭池心中懷我悵心不可匡目不可顧妒人之子  
愁殺人君有他心樂不可禁王將何侶如孫如魚乎悲  
矣

邕熙

魏繆襲

邕熙君臣念德天下治登帝道獲瑞寶頌聲並作洋

洋浩浩吉日臨高堂置酒列名倡歌聲一何紆餘雜  
笙簧八音諧有紀綱子孫永建萬國壽考樂無央

承天命

吳韋昭

承天命於昭聖德三精垂象符靈表德巨石立九穗  
植龍金其鱗烏赤其色與人歌億夫歎息起龍升襲  
帝服窮淳懿體玄默夙興臨朝勞謙日昃易簡以崇  
仁放遠讒與慝舉賢才親近有德均田疇茂稼穡審  
法令定品式考功能用黜陟人思自盡唯心與力家

國治王道直思我帝皇壽萬億長保天祿祚無極

天序

晉傅玄

天序歷應受禪承靈祐御羣龍勒螭虎弘濟大化英  
雋作輔明明統萬機赫赫鎮四方咎繇稷契之疇協  
蘭芳禮王臣覆兆民化之如天與地誰敢愛其身

芳樹篇

何承天

芳樹生北庭豐隆正徘徊翠潁陵冬秀紅葩迎春開  
佳人閒幽室惠心婉以諧蘭房掩綺幌綠草被長階



日夕遊雲際歸禽命同棲皓月盈素景涼風拂中閨  
哀絃理虛堂要妙清且悽嘯歌流激楚傷此碩人懷  
梁塵集丹帷微飈揚羅鞋豈怨嘉時暮徒惜良願乖

王融

相望早春日烟華雜如霧復此佳麗人含情結芳樹  
綺羅已自憐萱風多有趣去來徘徊者佳人不可遇

謝朓

早翫華池陰復影滄洲杳綺旒芳若斯歲蕤紛可結

霜下桂枝鋪怨與飛蓬折不廁玉盤滋誰憐終委絕

有所思

漢古辭

其詞大畧言有所思乃在大海南何用問遺君  
雙珠瑇瑁簪聞君有他心燒之當風揚其灰魏  
改曰應帝期言文帝以聖德受命應運期也吳  
曰從歷數言孫權從圖籙之符而建大號晉曰  
惟庸蜀言文皇帝既平萬乘之蜀封建萬國復  
五等之爵宋何承天惟言孝養若王融如何有  
所思梁劉繪別離安  
可再但言離思而已

有所思乃在大海南何用問遺君雙珠瑇瑁簪用玉紹  
繚之聞君有他心拉雜摧燒之摧燒之當風揚其灰從

今已往勿復相思相思與君絕雞鳴狗吠兄嫂當知之  
妃呼狶秋風蕭蕭晨風颼東方須臾高知之

應帝期

魏繆襲

應帝期於昭我文皇歷數承天序龍飛自許昌聰明  
昭四表恩德動遐方星辰為垂耀日月為重光河洛  
吐符瑞草木挺嘉祥麒麟步郊野黃龍遊津梁白虎  
依山林鳳凰鳴高岡考圖定篇籍功配上古義皇義  
皇無遺文仁聖相因循期運三千歲一生聖明君堯

授舜萬國萬國皆附親四門為穆穆教化常如神大  
魏興盛與之為鄰

從歷數

吳韋昭

從歷數於穆我皇帝聖哲受之天神明表奇異建號  
創皇基聰睿協神思德澤浸及昆蟲浩蕩越前代三  
光顯精耀陰陽稱至治肉角步郊畛鳳凰棲靈囿神  
龜游沼池圖讖摹文字黃龍覲鱗符祥日月記覽往  
以察今我皇多繪事上欽昊天象下副萬民意光被

彌蒼生家戶蒙惠賚風教肅以平頌聲章嘉喜大吳  
隆綽有餘裕

惟庸蜀

晉傅玄

惟庸蜀僭號天一隅劉備逆帝命禪亮承其餘擁衆  
數十萬闕隙乘我虛驛騎進羽檄天下不遑居姜維

屢寇邊隴上為荒蕪文皇愍斯民厯世受罪辜外謨藩

屏臣內謀衆士夫爪牙應指授腹心獻

一作同

良圖良

圖協成文大

一作乃

興百萬軍雷鼓震地起猛勢陵浮雲

逋虜畏天誅面縛造壘門萬里同風教逆命稱妾臣  
光建五等紀網天人

有所思篇

宋何承天

有所思思昔人曾閔二子善養親和顏色奉晨昏至  
誠烝烝通神明鄒孟軻為齊卿稱身受祿不貪榮道  
不用獨擁楹三徙既諄禮義明飛鳥集猛獸附功成  
事畢乃更娶哀我生邁凶昊幼罹荼酷備艱辛慈顏  
絕見無因長懷永思託邱墳

王融

如何有所思而無相見時宿昔夢顏色階庭尋履暴  
高張更何已引滿終自持欲知憂能老為視鏡中絲

劉繪

別離安可再而我更重之佳人不相見明月空在帷  
共銜滿堂酌獨欽向隅眉中心亂如雪寧知有所思

雉子班

漢古辭

古詞云雉子高飛止黃鵠飛之以千里雄來飛  
從雌晉改曰於穆我皇言聖皇受命德合神明

也宋何承天曰雉子遊原澤篇則言避世之士  
抗志清霄其視卿相功名猶冰炭之不相入也

雉子班如此之干雉梁無以吾翁孺雉子知得雉子高  
飛止黃鵠飛之以千里王可思雄來飛從雌視子趨一  
雉雉子車大駕馬滕被王送行所中堯羊蜚從王孫行

於穆我皇

晉傳玄

於穆我皇盛德聖且明受禪君世光濟羣生普天率  
土莫不來庭顓顓六合內望風仰泰清萬國雍雍興  
頌聲大化洽地平而天成七政齊玉衡惟平峨峨佐



命濟濟羣英夙夜乾乾萬幾是經雖治興匪荒寧謙  
道光冲不盈天地合德日月同榮赫赫煌煌曜幽冥  
三光克從於顯天垂景星龍鳳臻甘露宵零肅神祇  
祇上靈萬物欣戴自天効其成

雉子遊原澤篇

何承天

雉子遊原澤幼懷耿介心飲啄雖勤苦不願棲園林  
古有避世士抗志清霄岑浩然寄卜肆揮棹通川陰  
逍遙風塵外散髮撫鳴琴卿相非所眄何況於千金

功名豈不美寵辱亦相尋  
冰炭結六府憂虞纏胸襟  
當世須大度量已不克任  
三復泉流誠自驚良已深

聖人出

漢古辭

漢古辭言聖人出陰陽和君之臣明護不道晉  
曰仲春振旅言大晉申文武之教畋獵以時也

聖人出陰陽和美人出遊九河  
佳人來騑離哉何駕六  
飛龍四時和君之臣明護不道  
美人哉宜天子免甘星  
筮樂甫始美人子含四海

仲春振旅

晉傳玄

古聖人

出行

仲春振旅大致民武教於時日新師執提工執鼓坐  
作從節有序盛矣允文允武蒐田表禡申法誓遂圍  
禁獻社祭允以時明國制文武並用禮之經列車如  
戰大教明古今誰能去兵大晉繼天濟羣生

上邪

漢古辭

邪一  
作雅

上邪我欲與君相知長命無絕衰山無陵江水為竭冬

雷震震夏雨雪天地合乃敢與君絕

太和

魏繆襲

晉書樂志曰魏武帝使繆襲造鼓吹十二曲以代漢曲改漢上邪為太和言明帝繼體承統太和改元德澤流布也

惟太和元年皇帝踐阼聖且仁德澤為流布災蝗一時為絕息上天時雨露五穀溢田疇四民相率遵軌度事務徵清天下獄訟察以情元首明魏家如此那得不太平

玄化

吳韋昭

玄化象以天陛下聖真張皇綱率道以安民惠澤宣  
流而雲布上下睦親君臣酣宴樂激發弦歌揚妙新  
修文籌廟勝須時備駕巡洛津康哉泰四海歡忻越  
與三五鄰

大晉承運期

晉傅玄

大晉承運期德隆聖皇時清晏白日垂光應錄圖  
帝位繼天正玉衡化行象神明至哉道隆虞與唐元

首敷洪化百寮股肱並忠良時太康隆隆赫赫福祚  
盈無疆

上邪篇

何承天

上邪下難正衆枉不可矯音和響必清端影緣直表  
大化揚仁風齊人猶偃草聖王既已沒誰能弘至道  
開春湛柔露代終肅嚴霜承平貴孔孟政弊候申商  
孝公明賞罰六世猶克昌李斯肆濫刑秦民所以亡  
漢宣隆中興魏祖寧三方譬彼鍼與石效疾而稱良

行葦非不厚悠悠何詎央琴瑟時未調改弦當更張  
矧乃治天下此要安可忘

臨高臺

漢古辭

漢古詞大畧言臨高臺臺下水清且寒江有香草目以蘭黃鵠高飛離哉翻闕弓射鵠令我主萬年晉曰夏苗田言大晉旼符順時為苗除害也何承天云飄然輕舉凌太虛言仙道也謝朓云千里常思歸但言臨望傷懷與古詞意並不同

臨高臺以軒下下有清水清且寒江有香草目以蘭黃  
鵠高飛離哉翻闕弓射鵠令我主壽萬年收中吾

夏苗田

晉傳玄

夏苗田運將徂軍國異容文武殊乃命羣吏撰車徒  
辨其號名讚契書王軍啓八門行同上帝居時路建  
大麾雲旗翳紫虛百官象其事疾則疾徐則徐回衡  
旋軫罷陳弊車獻禽享祠烝烝配有虞惟大晉德叅  
兩儀化雲敷

臨高臺篇

何承天

臨高臺望天衢飄然輕舉陵太虛攜列子超帝鄉雲



衣雨帶乘風翔肅龍駕會瑤臺清暉浮景溢蓬萊濟  
西海濯消盤佇立雲岳結幽蘭馳迅風遊炎州願言  
桑梓思舊遊傾霄蓋靡電旌降彼天塗頽窈冥辭僊  
族歸人羣懷忠抱義奉明君任窮達隨所遭何為遠  
想令心勞

謝朓

千里常思歸登臺臨綺翼纔見孤鳥還未辨連山極  
四面動清風朝夜起寒色誰知倦遊者嗟此故鄉憶

遠如期

漢古辭

一曰遠期宋書樂志有晚芝曲古今樂錄曰漢太樂食舉曲有遠期至魏省之晉曰仲秋獮田言大晉雖有文德不廢武事順時以殺伐也宋何承天云遠期千里客肅駕候良辰與古辭不  
同矣

遠如期益如壽處天左側大樂萬歲與天無極雅樂陳  
佳哉紛單于自歸動如驚心虞心大佳萬人還來謁者  
引鄉殿陳累世未嘗聞之增壽萬年亦誠哉

仲秋獮田

晉傳玄

仲秋彌田金德常剛涼風清且厲凝露結為霜白藏  
司辰蒼隼時鷹揚鷹揚猶尚父順天以殺伐春秋時  
敘雷霆震威曜進退由鉦鼓致禽祀祊羽毛之用充  
軍府赫赫大晉德芬烈陵三五敷化以文雖安不廢  
武光宅四海永享天之祜

遠期篇

何承天

遠期千里客肅駕候良辰近命城郭友具邇惟懿親  
高門啓雙闌長筵列佳賓中堂舞六佾三廂羅樂人

簫管激悲音羽毛揚華文金石響高宇絃歌動梁塵  
修標多巧捷九劍亦入神遷善自雅調成化由清均  
主人垂隆慶羣士樂亡身願我聖明君邇期保萬春

石流

漢古辭

古辭不可讀晉曰順天道言仲冬大閱用武修  
文大晉之德配天也何承天云石上流水淪淪  
其波又言子在川上  
有志不遂立義不同

石流涼陽涼石水流為沙錫以徽河為香向始蘇冷將  
風陽北逝肯無敢與于楊心邪懷蘭志金安薄北方開

留離聚蘭

順天道

晉傅玄

順天道握神契三時示講武事冬大閱鳴鐃振鼓鐸  
旌旗象虹霓文制其中武不窮武動軍誓衆禮成而  
義舉三驅役崇仁進止不失其序兵卒練將如闕虎  
惟闕虎氣凌青雲解圍三面殺不殄羣偃旌麾班六  
軍獻享烝修典文嘉大晉德配天祿報功爵候賢饗  
燕樂受茲百祿嘉萬年

石流篇

何承天

石上流水湍湍其波發源幽岫永歸長河瞻彼逝者  
歲月其偕予在川上惟以增懷嗟我隱憂載勞寤寐  
遘此百罹有志不遂行年倏忽長勤是嬰永言沒世  
悼茲無成幸遇開泰沐浴嘉運緩帶安寢亦又何愠  
古之為仁自求諸已虛情遙慕終於徒已

唐堯

漢務成古詞已亡晉曰唐堯言  
聖皇陟帝立德化光四表也

唐堯諮務成謙謙德所興積漸終光大履霜至堅冰  
神明道自然河海猶可凝舜禹統百揆元凱以次升  
禪讓應天歷睿聖世相承我皇陟帝位平衡正準繩  
德化飛四表祥氣見其徵興王坐俟旦亡主恬自矜  
致遠由近始覆篲成山陵披圖按先籍有其證靈液

玄雲

晉傳玄

漢古辭亡晉依舊名言  
聖皇用人各盡其材也

玄雲起丘山祥氣萬里會龍飛何蜿蜒鳳翔何翾翾

昔在唐虞朝時見青雲際今親遊萬國流光溢天外  
鶴鳴在後園清音隨風邁成湯隆顯命伊摯來如飛  
周文獵渭濱遂載呂望歸符合如影響先天天弗違  
輟耕綜時綱解褐衿天維元功配二王芬響世所稀  
我皇敘羣才洪烈何巍巍桓桓征四表濟濟理萬機  
神化感無方髦才盈帝畿丕顯惟昧旦日新孔所咨  
茂哉聖明德日月同光輝

伯益

晉傳玄



漢黃爵古辭亡晉曰伯益言赤鳥銜書有周以興今聖皇受命神雀來也

伯益佐舜禹職掌山與川德侔十六相思心入無間  
智理周萬物下如衆鳥言黃雀應清化翔集何翩翩  
和鳴棲庭樹徘徊雲日間夏桀為無道密網施山河  
酷祝振纖網當奈黃雀何殷湯崇天德去其三面羅  
逍遙羣飛來鳴聲乃復和朱雀作南宿鳳凰統羽羣  
赤鳥銜書至天命瑞周文神雀今來遊為我受命君  
嘉祥致天和膏澤降青雲蘭風發芳氣闔世同其芬

釣竿歌

魏文帝

舊說有伯常子避仇河濱為漁者其妻思之而為釣竿歌每至河側輒歌之後司馬相如作釣竿詩遂傳以為樂曲而漢古辭亡或云漢止廿一曲而無釣竿此篇魏文帝辭也晉仍舊名言聖皇德配堯舜又有呂望之佐以濟大功致太平也若梁沈約桂舟既容與劉孝威釣舟畫彩鷁但稱綸釣  
嬉遊而已

東越河濟水遙望大海涯釣竿何珊珊魚尾何簃簃  
行路之好者芳餌欲何為

晉傳玄

釣竿何冉冉甘餌芳且鮮臨川運思心微綸沈九淵  
太公寶此術乃在靈祕篇機變隨物移精妙貫未然  
遊魚驚著釣潛龍飛戾天戾天安所至撫翼翔太清  
太清一何異兩儀出渾成玉衡正三辰造化賦羣形  
退願輔聖君與神合其靈我君弘遠畧天人不足并  
天初并時昧昧何芒芒日月有徵兆文象興二皇  
蚩尤亂生民黃帝用兵征萬方逮夏禹而德衰三代  
不及虞與唐我皇聖德配堯舜受禪即祚享天祥率

金少隱詩集卷二  
土蒙祐靡不肅庶事康庶事康穆穆明明荷百祿保  
無極永太平

梁沈約

桂舟既容與綠浦復回紆輕絲動弱芰微楫起單鳧  
扣舷忘日莫卒歲以為娛

劉孝綽

釣舟畫彩鷁魚子服冰紈金轄茱萸網銀鈎翡翠竿  
斂橈隨水脈急檣渡江湍湍長自不辭前蒲有佳期

舩交棹影合浦深魚出遲荷根時觸餌菱芒乍冒絲  
蓮渡江南手衣渝京兆眉垂竿自來樂誰能為太師



古樂府卷二